



## **12 febroary 2021 (Past Zaranaina ANDRIALAMPISON)**

**Mpitandrina:** Amin'ny anaran'ny Ray sy ny Zanaka ary ny Fanahy Masina. Amena.

**Hira: 4 FFPM and 1 "Mamy ny fitiavanao, ry Jehovah Tomponay"**

### **Vavaka (Mpitandrina)**

**Lohahevitra:** Ny lohahevitra banjinintsika amin'ity tolakandro ity, araka ny fandaharana, dia ny hoe: "Devant Pilate et le jour de la Pâque" ka ny Filazantsara nosoratan'I Marka – Mar 15, 1-41 no hanankinana ny fanadihadiana.

### **Vakiteny 1: Marka 15, 1-15**

*"1 Ary niaraka tamin' izay raha vao maraina ny andro, ny lohan' ny mpisorona sy ny loholona sy ny mpanora-dalàna mbamin' ny Synedriona rehetra dia niara-nisaina ary namatotra an' i Jesosy ka nitondra Azy, dia nanolotra Azy teo amin' i Pilato.2 Ary Pilato nanontany Azy hoe: Hianao va no Mpanjakan' ny Jiosy? Ary Izy namaly ka nanao taminy hoe: Voalazanao.*

*3 Ary ny lohan' ny mpisorona niampangana Azy zavatra maro.4 Ary Pilato dia nanontany Azy indray hoe: Tsy mety mamaly akory va Hianao? He! izao hamaroan' ny zavatra iampangany Anao izao!5 Fa Jesosy tsy namaly intsony, na dia indraim-bava akory aza, ka dia gaga Pilato.6 Ary isaky ny avy ny andro firavoravoana dia fanaony ny mandefa mpifatotra iray izay*

*angatahin' ny vahoaka.7 Ary nisy anankiray ilay atao hoe Barabasy, nifatotra tao mbamin' ny mpikomy sasany, izay efa nahafaty olona tamin' ny fikomiana.8 Ary ny vahoaka niakatra ka nangataka azy hanao araka izay fanaony aminy.9 Fa Pilato namaly azy ka nanao hoe: Tianareo va mba ny Mpanjakan' ny Jiosy no halefako ho anareo?10 Fa fantany fa fialonana no nanoloran' ny lohan' ny mpisorona Azy.11 Fa ny lohan' ny mpisorona nanome fo ny vahoaka, fa aleo Barabasy no halefan' i Pilato ho azy.12 Ary Pilato namaly ka nanao taminy indray hoe: Ka inona ary no hataoko amin' ilay ataonareo hoe: Mpanjakan' ny Jiosy?13 Ary ny vahoaka niantso indray hoe: Homboy amin' ny hazo fijaliana Izy!14 Ary hoy Pilato taminy: Fa inona moa no ratsy nataony? Nefa vao mainka niantsoantso izy ka nanao hoe: Homboy amin' ny hazo fijaliana Izy!15 Ary Pilato tahazo sitraka tamin' ny vahoaka, ka dia nandefa an' i Barabasy ho azy; fa Jesosy nasainy nokapohina, dia natolony azy mba hohomboana amin' ny hazo fijaliana. "*

### **Hira: 4 FFPM and 2 "mamy ny fitiana, mahafaly fo tokoa"**

#### **Vavaka:**

→Fisaorana ny Tompo noho ny soa sy ny fitahiana raisina avy Aminy tsy tapaka

→Fiderana an'i Jesosy Kristy noho ny fijoroany ampasahiana hamonjy antsika

→Fifonana amin'Andriamanitra noho ny toetrantsika mivadibadika (miovaova manoa ny teniny / mandika ny teniny)

#### **Vavaka (Mpitandrina)**

#### **Vakiteny 2: Marka 15, 16-26**

"16 Ary ny miaramila nitondra an' i Jesosy ho eo an-kianja, dia ao anati-  
rova, sady nanangona ny miaramila namany rehetra.17 Ary dia nampitafy  
Azy lamba volomparasy izy, sady nandrandrana satroka tsilo, ka  
nasatrony ny lohany.18 Ary dia niarahaba Azy hoe izy: Arahaba, ry  
Mpanjakan' ny Jiosy!19 Ary dia nikapoka ny lohany tamin' ny volotara izy  
sady nandrora Azy, dia nandohalika sy niankohoka teo anatrehany.20 Ary  
rehefa nanao Azy ho fihomehezana izy, dia nanala ilay lamba volomparasy  
teny aminy, ka nampitafiny Azy indray ny fitafiany; ary dia nentiny  
hohomboany amin' ny hazo fijaliana Izy.21 Ary Simona Kyreniana (rain' i  
Aleksandro sy Rofosy) izay nandalo avy tany an-tsaha, no notereny  
hitondra ny hazo fijalian' i Jesosy.

22 Ary Jesosy dia nentiny teo amin' ny tany Golgota, izany hoe, raha  
adika, Fitoeran-karan-doha.23 Dia notolorany divay miharo miora Izy;  
nefa tsy nety nisotro Izy.24 Ary rehefa voahombony tamin' ny hazo  
fijaliana Izy, dia nanaovany loka no fizara ny fitafiany, hahitany izay ho  
azony avy.25 Ary tamin' ny ora fahatelo no nanomboany tamin' ny hazo  
fijaliana.26 Ary ny soratra milaza ny nanamelohana Azy dia voasoratra teo  
amboniny hoe: MPANJAKAN' NY JIOSY."

**Hira: 4 FFPM and 3 "Mamy ny fitiana, izay andraisanao anay"**

### **Vavaka:**

Noho ny amintsika no niaretan' i Jesosy izao mangidy izao, koa:

→ hisaotra Azy isika noho izany

→ hanolo-tena ho tia tokoa an' i Jesosy Kristy Mpanjaka isika amin' izao sisa  
izao

### **Vavaka (Mpitandrina)**

### **Vakiteny 3: Marka 15, 27-32**

*"27 Ary nisy jiolahy roa nohomboany tamin' ny hazo fijaliana koa, ny anankiray teo amin' ny ankavanany, ary ny anankiray teo amin' ny ankaviany.29 Ary izay nandalo niteny ratsy Azy sady nihifikifi-doha ka nanao hoe: Hià! ry Ilay maharava ny tempoly sy mahatsangana azy amin' ny hateloana,30 vonjeo ny tenanao, ka midina hiala amin' ny hazo fijaliana.31 Ary toy izany koa no faneson' ny lohan' ny mpisorona, fa niresaka izy sy ny mpanora-dalàna nanao hoe: Namonjy ny sasany Izy, fa ny tenany tsy hainy vonjena.32 Aoka Kristy, Mpanjakan' ny Isiraely, hidina hiala amin' ny hazo fijaliana ankehitriny mba ho hitantsika ka hinoantsika. Ary ireo niaraka nohomboana taminy tamin' ny hazo fijaliana dia naneso Azy koa."*

**Hira: 4 FFPM and 4 "Mamy re, ry Tomponay!"**

**Vavaka:**

→Ho an'ny tokan-trano tsirairay (ny asa fiveloman'ny ray aman-dreny, ny fitaizana ny ankizy sy ny tanora ary ny fianarany sy ny hoaviny, ny fahasalaman'ny tsirairay sns.)

→Ho an'ireo mijaly sy ory amin'izao fiainana izao; ho an'ireo tsy mahita hosarangotina; ho an'ny tsy an'asa; ho an'ny mitoetra irery sns.

→Ho an'ny tsy salama sy ny mana-manjo

**Vavaka (Mpitandrina)**

**Vakiteny 4: Marka 15, 33-41**

*"33 Ary nony tamin' ny ora fahenina, dia tonga maizina ny tany rehetra, ka naharitra hatramin' ny ora fahasivy izany.34 Ary tamin' ny ora fahasivy Jesosy dia niantso tamin' ny feo mahery ka nanao hoe: Eloy, Eloy, lamà*

4

*sabaktany! izay hoe, raha adika: Andriamanitra ô, Andriamanitra ô, nahoana no mahafoy Ahy Hianao?.<sup>35</sup> Ary ny sasany izay nijanona teo, raha nandre izany, dia nanao hoe: Indro, miantso an' i Elia Izy.<sup>36</sup> Ary ny anankiray nihazakazaka, dia nanatsoboka sipaonjy tamin' ny vinaingitra, ka notohiziny tamin' ny volotara, dia natohony hotsentsefin' i Jesosy, fa hoy izy: Aoka ho hizahantsika, na ho avy hampidina Azy Elia, na tsia.<sup>37</sup> Ary Jesosy niantso tamin' ny feo mahery, dia afaka ny ainy.<sup>38</sup> Ary ny efitra lamba tao amin' ny tempoly dia triatra nizara roa hatrany ambony ka hatrany ambany.<sup>39</sup> Ary ny kapiteny izay nijanona tandrifiny, raha nahita fa afaka toy izany ny ainy, dia nanao hoe: Marina tokoa fa Zanak' Andriamanitra io Lehilahy io.<sup>40</sup> Ary nisy vehivavy koa nitsinjo teny lavidavitra eny, ary isan' ireny Maria Magdalena sy Salome ary Maria, renin' i Jakoba kely sy Josesy,<sup>41</sup> izay nanaraka Azy ka nanompo Azy, fony Izy tany Galilia, mbamin' ny vehivavy maro koa izay niaraka taminy niakatra tany Jerosalema.”*

### **Hira: 499 FFPM and 1 "Inona re no atakaloko an'i Jesosy izay mpisoloko"**

#### **Vavaka:**

→Ho an'ny firenena rehetra manerana ny tany mba hanaiky an'i Jesosy ho Tompo sy Mpamonjy azy.

→Ho an'ny Fiangonana maneran-tany, isan'izany ny FPMA, amin'ny fitoriana ny Filazantsara napetraky ny Tompo aminy.

→Hetaheta manokana

#### **Vavaka (Mpitandrina) + « Rainay izay any an-danitra... »**

#### **Hafatra:**

*"Hisaotra an'i Jehovah lalandava aho; ho eo am-bavako mandrakariva ny fiderana Azy. Jehovah no reharen'ny fanahiko;...Miaraha mankalaza an'i*

5

*Jehovah amiko; ary aoka hiara-manandraatra ny anarany isika.”(Sal 34,1-3)*

**Tsodrano:**

*« Mahereza sy matanjaha; aza matahotra na manahy azy; fa Jehovah Andriamanitrao no miara-mandeha aminao; tsy handao anao na hahafoy anao Izy. » (Deot 31, 6)*

*Mpitarika:* Voninahitra ho an’Andriamanitra, Ray sy Zanaka ary Fanahy Masina, Izay hatramin’ny taloha indrindra ka ho mandrakizay.

Mandehana amin’ny fiadanan’ny Tompo. Amena.